



Na osnovu člana 41. Zakona o izvršavanju Budžeta Unsko-sanskog kantona za 2020. godinu („Službeni glasnik Unsko-sanskog kantona“, broj: 7/20 i 19/20), Zaključka Vlade Unsko-sanskog kantona broj: 03-017-2212/2020 od 30.09.2020. godine, Programa podrške subjektima male privrede i obrtima za 2020. godinu, broj: 03-17-2275/2020 od 15.10.2020. godine, Odluke o usvajanju Programa utroška dijela sredstava „Subvencije preduzećima i poduzetnicima“ iz Budžeta Unsko-sanskog kantona – Ministarstva privrede za 2020. godinu, broj: 03-017-2276/2020 od 15.10.2020. godine, Ministarstvo privrede raspisuje:

JAVNI POZIV
za odabir korisnika sredstava po Programu podrške subjektima male privrede i obrtima
za 2020. godinu

I PREDMET JAVNOG POZIVA

Predmet Javnog poziva je prikupljanje prijava za odabir korisnika sredstava po Programu podrške subjektima male privrede i obrtima koji su registrirani u okviru proizvodne, proizvodno-uslužne i uslužne djelatnosti s ciljem očuvanja, rasta i razvoja subjekata male privrede i obrta na području Unsko-sanskog kantona, kroz osiguranje ekonomske održivosti, prevazilaženja poteškoća u radu, veće iskoristivosti kapaciteta, održavanje postojećih radnih mjesta i novog zapošljavanja, te ublažavanja negativnih ekonomskih posljedica.

II PRAVO UČEŠĆA

Pravo učešća po predmetnom Programu imaju subjekti male privrede, fizička i pravna lica, koja trajno obavljaju zakonom dopuštene djelatnosti radi ostvarivanja dohotka odnosno dobiti, uključujući samozapošljavanje i porodične poslove povezane sa obrtom i drugim djelatnostima, registrovani kod nadležnog organa, bez obzira na oblik organizovanja, na način definisan Zakonom o poticaju razvoja male privrede („Službeni glasnik Unsko-sanskog kantona“, broj: 19/11) registrovani do dana podnošenja prijava na Javni poziv.

III USLOVI ZA DODJELU SREDSTAVA

Pravo na dodjelu poticajnih sredstava ostvaruju subjekti male privrede definisani u članu II, registrovani do dana podnošenja prijava na Javni poziv, koji ispunjavaju sljedeće uslove:

- a) da na osnovu Obavještenja o razvrstavanju prema klasifikaciji djelatnosti Zavoda za statistiku obavljaju registrovanu djelatnost unutar dozvoljenih sljedećih područja djelatnosti prema Klasifikaciji djelatnosti KD BiH 2010 („Službeni glasnik BiH“, broj: 47/10), i to:

RB	OBLAST /GRANA/ RAZRED	PODRUČJE	NAZIV OBLASTI, GRANE, PODRUČJA ILI RAZREDA
1	05-09	B	Vađenje ruda i kamena

2	10-33	C	Prerađivačka industrija osim: <u>C-12 Proizvodnja duhanskih proizvoda,</u> <u>C-19 Proizvodnja koksa i rafiniranih naftnih</u> <u>proizvoda, C-21 Proizvodnja osnovnih</u> <u>farmaceutskih proizvoda i farmaceutskih</u> <u>preparata, C-25.4 Proizvodnja oružja i</u> <u>municije.</u>
3	41-43	F	Građevinarstvo
4	45.2	G	Održavanje i popravak motornih vozila
5	49.31 49.32 49.39 49.41	H	- Gradski i prigradski kopneni prijevoz putnika - Taksi služba - Ostali kopneni prijevoz putnika, d. n. - Cestovni prijevoz robe
6	55-56	I	Hotelijerstvo i ugostiteljstvo
7	62	J	Računarsko programiranje, savjetovanje i djelatnosti u vezi s njima
8	79 81.2 81.3 82.1	N	- Putničke agencije, organizatori putovanja, turoperator i ostale rezervacijske usluge te djelatnosti u vezi s njima - Djelatnosti čišćenja - Uslužne djelatnosti uređenja i održavanja zelenih površina - Uredske administrativne i pomoćne djelatnosti
9	85.53	P	- Djelatnost vozačkih škola
10	90.01-90.02	R	- Izvođačka umjetnost - Pomoćne djelatnosti u izvođačkoj umjetnosti
11	95-96	S	- Popravak računara i predmeta za ličnu upotrebu i domaćinstvo - Ostale lične uslužne djelatnosti

- b) da su u većinskom privatnom vlasništvu i imaju sjedište na području Kantona;
- c) da upošljavaju minimalno 2 (dva) radnika (doo), odnosno 1 (jednog) radnika (uključujući vlasnika) (fizičko lice/obrt);
- d) da imaju pozitivno poslovanje u 2019. godini (izuzev subjekata koji su osnovani u toku 2020. godine);
- e) da uredno izmiruju direktne poreze, doprinose za PIO/MIO i zdravstveno osiguranje;
- f) da uredno izmiruju obaveze po osnovu koncesija za korištenje javnih dobara i usluga (za djelatnost 05-09);

- g) da uredno izmiruju indirektne poreze, ukoliko je u sistemu PDV-a;
- h) da nije pokrenut ili okončan postupak stečaja ili likvidacije ili postupak gašenja, obustave ili ograničenja poslovne aktivnosti;
- i) da do dana podnošenja prijave nisu koristili poticajna sredstva iz budžeta Federacije, Kantona i/li jedinica lokalne samouprave za istu namjenu za koju se podnosi prijava.

Prijave subjekata male privrede čije djelatnosti ne pripadaju gore navedenim djelatnostima (tabelarni pregled), biće odbijene kao neosnovane.

IV SREDSTVA

Sredstva za implementaciju obezbjeđena su u Budžetu Ministarstva privrede na ekonomskom kodu 614 500 - Subvencije preduzećima i poduzetnicima u ukupnom iznosu od 1.085.000,00 KM (slovima: jedanmiliosamdesetpethiljada i 00/100 konvertibilnihmaraka).

Sredstva se dodjeljuju korisnicima za refundiranje ili subvencioniranje prihvatljivih troškova u:

- Iznosu 30% ukupno zahtijevanih sredstava navedenih u Prijavnom obrazcu, za pravna i fizička lica/obrte po jednom korisniku, a koja se mogu dodijeliti za refundiranje troškova nastalih u 2020. godini ili subvencioniranje prihvatljivih troškova.

Nakon obrade prijava i potencijalno odabranih korisnika, u slučaju da ukupni iznos traženih sredstava, za pravna i fizička lica/obrte, premašuje ukupnu visinu namijenjenih sredstava za implementaciju Programa podrške svim korisnicima će se poticajna sredstva srazmjerno umanjiti u odnosu na obezbjeđena sredstva.

V NAMJENA SREDSTAVA

Sredstva iz člana IV Javnog poziva namijenjena su za refundiranje ili subvencioniranje prihvatljivih troškova i to:

- a) refundiranje troškova registracije subjekta u 2020. godini (notarske, knjigovodstvene i administrativne obrade dokumenata, sudske i administrativne takse, te izradu pečata firme), nabavke mašina, opreme, alata, unutrašnjeg uređenja proizvodno/poslovnog prostora (građevinski, instalacijski i ostali radovi), tehnološke modernizacije i primjene standarda kvalitete, uvođenja sistema i standarda kvalitete nastalih u periodu od 01.01.2020. godine do dana podnošenja prijave na Javni poziv.
 - za djelatnosti iz područja H (osim 49.41) i P refundiraju se isključivo troškovi registracije subjekta u 2020. godini (notarske, knjigovodstvene i administrativne obrade dokumenata, sudske i administrativne takse, te izradu pečata firme), registracije vozila, nabavke opreme za vozila i troškovi održavanja i servisiranja koji služe za obavljanje djelatnosti nastalih u periodu od 01.01.2020. godine do dana podnošenja prijave na Javni poziv. Za šifru djelatnosti 49.41 refundiraju se isključivo troškovi registracije subjekta u 2020. godini (notarske, knjigovodstvene i administrativne obrade dokumenata, sudske i administrativne takse, te izradu pečata firme), troškovi registracije vozila, nastali u periodu od 01.01.2020. godine do dana podnošenja prijave na Javni poziv.
- b) subvencioniranje planirane nabavke mašina, opreme, alata, planiranog unutrašnjeg uređenja proizvodno/poslovnog prostora (građevinski, instalacijski i ostali radovi), tehnološke modernizacije i primjene standarda kvalitete, uvođenje sistema i standarda kvalitete.
 - za djelatnosti iz područja H (osim 49.41) i P subvencioniraju se isključivo troškovi registracije vozila, nabavke opreme za vozila i troškovi održavanja i servisiranja vozila koji služe za obavljanje djelatnosti. Za šifru djelatnosti 49.41 subvencioniraju se isključivo troškovi registracije vozila.

Korisnicima sredstava mogu se odobriti sredstva za refundiranje onih troškova koji su navedeni kao prihvatljivi troškovi, a koji su nastali u 2020. godini ili subvencioniranje

troškova koji su navedeni kao prihvatljivi, a nastat će u periodu koji je definisan kao Rok za implementaciju projekta (90 dana).

Neprihvatljivi troškovi za koje se ne mogu koristiti sredstva su: osnivački kapital, plaće i doprinosi na plaće, troškovi režija i održavanja, kamate, nabavka kancelarijskog namještaja i materijala, vanjski građevinski radovi, police osiguranja imovine i ljudi (izuzev police osiguranja vozila), kupovina i iznajmljivanje objekata, zemljišta, automobila, goriva, kupovina, obnova, rekonstrukcija ili modernizacija objekta za najam ili prodaju, kupovina vozila i transportnih sredstava, kao i nabavka mašina, opreme i alata od lica koja nisu registrovani kao poslovni subjekti.

Rok za implementaciju projekta po potpisanom Ugovoru za korisnike sredstava pod alinejom b) je maksimalno 90 dana od dana doznačavanja sredstava korisnicima.

Svako korištenje odobrenih sredstava suprotno namjenama smatrat će se nenamjenskim utroškom.

Korisnici koji dobiju sredstava od Ministarstva ne mogu prestati sa radom u periodu od minimalno jedne godine, u suprotnom u obavezi su vratiti dodijeljena sredstva u cjelokupnom iznosu.

VI KRITERIJ ZA ODABIR KORISNIKA

Kriterij za odabir korisnika poticajnih sredstava je ispunjenje svih uslova predviđenih Javnim pozivom, odnosno ravnopravno učešće svih subjekata male privrede, pravnih i fizičkih lica/obrta na području Kantona koji se prijave i koji ispunjavaju uslove, te dostave Prijavu na način i po postupku kako je to definisano Programom podrške subjektima male privrede i Javnim pozivom.

VII PRIJAVA PO JAVNOM POZIVU

Prijava na Javni poziv se vrši putem Prijavnog obrasca, a preuzima se direktno sa web stranice Ministarstva privrede www.vladausk.ba.

Uz Prijavni obrazac potrebno je dostaviti sljedeću dokumentaciju:

- a) Ovjerena fotokopija aktuelnog izvoda iz Sudskog registra (pravna lica), odnosno ovjerena kopija aktuelnog Rješenja o registraciji od nadležnog gradskog/općinskog organa (fizičko lice/obrtnik);
- b) Ovjerena fotokopija Uvjerenja o poreznoj registraciji – ID broj;
- c) Original ili ovjerena fotokopija Uvjerenja od Porezne uprave o izmirenju direktnih poreza, doprinosa za PIO/MIO i doprinosa za zdravstveno osiguranje za sve uposlene, ne starije od tri mjeseca od dana podnošenja prijave;
- d) Potvrda ili uvjerenje izdato od Ministarstva privrede USK o uplaćenim koncesionim naknadama (za djelatnost 05-09);
- e) Original ili ovjerena fotokopija Uvjerenja od Porezne uprave o broju zaposlenih lica;
- f) Original ili ovjerena fotokopija Uvjerenja o urednom izmirenju indirektnih poreza, izdato od Uprave za indirektno oporezivanje, ne starije od tri mjeseca od dana podnošenja prijave (ukoliko je u sistemu PDV-a), odnosno ovjerena Izjava od strane podnosioca prijave da podnosilac nije u sistemu PDV-a.
- g) Obavijest o razvrstavanju subjekta prema djelatnosti (FBiH Zavod za statistiku);
- j) Bilans stanja i bilans uspjeha za 2019. godinu ovjereni od nadležnog organa (izuzev subjekata koji su osnovani u toku 2020. godine);
- h) Specifikacija za utvrđivanje dohotka od samostalne djelatnosti (obrazac SPR-1053) za obrte ili Rješenje o paušalnom plaćanju poreza za paušalce;
- i) Za privredno društvo (d.o.o.) potvrda izdana od strane Suda da se ne vodi stečajni ili likvidacioni postupak;
- j) Za fizičko lice/obrtnik potvrda općinskog/gradskog organa uprave da nije pokrenut postupak gašenja, obustave ili ograničenja poslovne aktivnosti;

- k) Za refundiranje troškova: Računi ili ugovori, sa specifikacijom troškova kao dokaz o nabavljenoj mašini, opremi, alatu, te unutrašnjem uređenju proizvodno/poslovnog prostora (građevinski, instalacijski i ostali radovi), Ugovor sa certifikacijskom ustanovom za predmetni certifikat uvođenja međunarodnih standarda (ISO, HACCP, HALAL; i drugih međunarodnih standarda), Certifikat izdat od ovlaštene certifikacijske organizacije, dokaz o vlasništvu vozila za djelatnosti iz područja H i P računima za registraciju vozila, nabavku opreme za vozila i troškovi održavanja i servisiranja koji služe za obavljanje djelatnosti, fotodokumentacija, uz obavezno prilaganje originalne ili ovjerene fotokopije uplatnice i izvoda iz banke potpisanim i ovjerenim pečatom banke;
- l) Za subvencioniranje: Predračun sa specifikacijom troškova izdat od subjekta od kojeg se planira nabaviti mašina, oprema, alat ili se planira unutrašnje uređenje proizvodno/poslovnog prostora (građevinski, instalacijski i ostali radovi), Ugovor sa certifikacijskom ustanovom za predmetni certifikat uvođenja međunarodnih standarda (ISO, HACCP, HALAL i drugih međunarodnih standarda), dokaz o vlasništvu vozila za djelatnosti iz područja H i P, predračun za registraciju vozila, nabavku opreme za vozila i troškove održavanja i servisiranja koji služe za obavljanje djelatnosti.
- m) Kopija kartona deponovanih potpisa ili drugi dokaz o broju transakcijskog računa podnosioca prijave u poslovnoj banci na koji će se sredstva doznačiti;
- n) Izjava da nisu koristili poticajna sredstva iz budžeta Federacije BiH, Kantona, jedinica lokalne samouprave za istu namjenu za koju su podnijeli prijavu (dostupna na web stranici Vlade Kantona www.vladausk.ba uz Javni poziv);
- o) Izjava o primljenim pomoćima male vrijednosti (de minimis pomoć) potpisana od strane ovlaštenog lica i ovjerena pečatom subjekta male privrede i fizičkog lica/obrtnika (dostupna na web stranici Vlade Kantona www.vladausk.ba uz Javni poziv),
- p) Izjavu ovjerenu kod općinskog/gradskog organa uprave da su saglasni da rezultati javnog poziva budu objavljeni na web stranici Vlade Unsko-sanskog kantona.

Svi priloženi dokumenti ne smiju biti stariji od 3 (tri) mjeseca od dana objavljivanja Javnog poziva. Ukoliko se radi o kopijama priloženih dokumenata iste moraju biti ovjerene od strane nadležnih organa.

Prijave će biti odbačene i neće biti predmet daljeg razmatranja ako ne sadrže kompletnu dokumentaciju koja se traži Javnim pozivom.

VIII OBRADA PRIJAVA I NAČIN DODJELE SREDSTAVA

Za provođenje procedura po predmetnom Programu Ministar imenuje Komisiju.

Komisija će obraditi prispjele prijave u pogledu ispunjavanja formalno-pravnih uslova i na osnovu propisanih kriterija iz Programa i Javnog poziva sačiniti Listu korisnika sredstava i Listu subjekata male privrede čije su prijave neblagovremene, nepotpune i neosnovane. Liste se objavljuju na web stranici Vlade Kantona: www.vladausk.ba.

Na objavljene liste subjekti male privrede, pravna i fizička lica/obrti, imaju pravo prigovora koji se podnosi Ministarstvu u pisanoj formi, u roku od osam dana od dana objavljivanja listi na web stranici Vlade Kantona.

Nakon isteka roka za prigovor i nakon rješavanja po uloženim prigovorima u roku od 8 dana od dana isteka roka za podnošenje prigovora, Ministar donosi konačnu rang listu korisnika sredstava na koju Vlada Kantona daje saglasnost i ista se objavljuje na web stranici Vlade Kantona.

Po dobivanju saglasnosti od Vlade Kantona Ministar sa odabranim korisnicima potpisuje Ugovore, nakon čega će se sredstva doznačiti na transakcijske račune korisnika, na način definisan ugovorom.

IX NAČIN DOSTAVLJANJA PRIJAVA

Prijave sa potrebnom dokumentacijom dostavljaju se neposredno na protokol Vlade Kantona ili putem pošte, na adresu:

**Ministarstvo privrede Unsko-sanskog kantona, Ul. Alije Đerzeleza br.2, 77 000
Bihać, s naznakom na koverti – *Prijava po Javnom pozivu "Program podrške
subjekatima male privrede i obrtima za 2020. godinu" - "NE OTVARAJ".***

Na poleđini koverti obavezno navesti naziv podnosioca prijave i adresu.

Rok za podnošenje prijave je **06.11.2020.** godine.

Neblagovremene prijave koje su dostavljene nakon proteka roka određenog Javnim pozivom neće se uzeti u razmatranje.

X OSTALO

U postupku po Javnom pozivu Ministarstvo zadržava pravo da poništi Javni poziv u bilo koje vrijeme do zaključenja ugovora, bez obaveze pismenog ili usmenog obrazloženja.

U slučaju nedostatka sredstava u Budžetu Kantona obustavlja se realizacija dodjele sredstava.

Ministarstvo ne snosi troškove nastale u vezi sa prijavom na Javni poziv.

Prispjela dokumentacija se ne vraća podnosiocu prijave.